



VICERREITORÍA DE RELACIÓNS INSTITUCIONAIS

Colexio de San Xerome. Praza do Obradoiro, s/n.
15782 Santiago de Compostela. Galicia
Tfnos. 981 563100, ext. 11059 / 981 55 99 23
Fax 981 57 49 46 – Correo E: vrrelins@usc.es

RESOLUCIÓN REITORAL POLA QUE SE CONVOCAN AXUDAS PARA A MOBILIDADE DE COORDINADORES ACADÉMICOS ERASMUS DA USC CARA O ESPAZO EUROPEO DE EDUCACIÓN DENTRO DO PROGRAMA DE APRENDIZAXE PERMANENTE (PAP) – ERASMUS

CARACTERÍSTICAS XERAIS DAS AXUDAS

A USC a través da Vicerreitoría de Relacións Institucionais, convoca axudas para a mobilidade de coordinadores/as do Programa de Aprendizaxe Permanente (PAP) actividade Erasmus no curso académico 2008-09.

Poderá participar todo o persoal docente da USC que teña recoñecida a súa condición de Coordinador Académico Erasmus.

O persoal docente que participa nun programa de mobilidade debe estar integrado no departamento ou na facultade do centro de acollida.

Isto implica que:

- A mobilidade está baseada en acordos interinstitucionais (contratos erasmus)

OBXECTIVOS DAS AXUDAS

Os obxectivos xerais da mobilidade son:

- Supervisar e solucionar as diversas circunstancias que poidan xurdir no ámbito do intercambio que coordinan.
- Consolidar vínculos entre departamentos e facultades.
- Preparar futuros proxectos de cooperación.
- O Organismo Autónomo de Programas Europeos (OAPPE) sinala a posibilidade de financiar con carácter excepcional algunha visita preparatoria aínda que non existira unha previa relación entre as dúas universidades.

DOTACIÓN DAS AXUDAS

As axudas destinaranse a compensar os custos de mobilidades adicionais, como os gastos da viaxe e o custo de vida superior no país de acollida. Non se destinarán a cubrir a totalidade dos custos.

A dotación económica máxima non excederá dos 1000 euros por coordinador/a e desprazamento.

Con carácter xeral, unicamente financiarase un desprazamento por coordinador/a.

A dotación económica deberá ser xustificada polo beneficiario/a mediante a presentación das correspondentes facturas (desprazamento, aloxamento, manutención) ata chegar a dotación máxima (1000 euros)

REQUISITOS DOS SOLICITANTES

Os solicitantes deberan ser coordinadores/as da Acción Erasmus do Programa de Aprendizaxe Permanente.

Aquelas solicitudes que non cumpran este requisito serán automaticamente rexeitadas

AVALIACIÓN E SELECCIÓN

A USC levará a cabo a selección de conformidade coas directrices proporcionadas pola OAPEE. Neste senso:

- A USC adoptará todas as medidas necesarias para evitar calquera conflito de intereses entre as persoas que poidan tomar parte no proceso de selección de beneficiarios individuais.
- Co obxecto de garantir a participación do maior número posible de coordinadores, darase prioridade os participates que disfruten por primeira vez da mobilidade de coordinación.
- Os informes e resultados de pasadas convocatorias (mobilidades) poderán ser considerados pola comisión de selección aos efectos oportunos.
- O número real de estudantes (nacionais e internacionais) coordinados nos últimos dous cursos académicos será tido en conta como criterio de selección específico.
-

PRAZO DE REALIZACIÓN DA MOBILIDADE

O prazo máximo de realización é o 30 de setembro de 2009.

OBRIGAS DOS SELECCIONADOS

Os/as beneficiarios/as dunha mobilidade deberán presentar a seguinte documentación no prazo máximo dun mes a contar a partir da data de finalización da mobilidade:

1. Informe final de resultados segundo modelos normalizados.
2. Tarxetas de embarque e/ou billete físico e factura da axencia de viaxes (ou recibo de compra electrónico).
3. Facturas de aloxamento ou manutención.
4. Certificado ou constancia da Universidade de acollida.

LUGAR DE PRESENTACIÓN DE SOLICITUDES

As solicitudes dirixiranse a Oficina de Relacións Exteriores.

A presentación das solicitudes farase no Rexistro Xeral da USC, situado na Reitoria da USC (colexio de San Xerome. Praza do Obradoiro s/n, Santiago de Compostela) e no Rexistro do Campus de Lugo, situado no edificio de Servizos Administrativos da Biblioteca Intercentros (Avda. de Bernardino Pardo Ouro s/n, Santiago de Compostela). Tamén poderá presentarse nas formas e lugares establecidos na lei de Rexime Xurídico das Administracións Públicas e do Procedemento Administrativo Común.

PRAZO DE PRESENTACIÓN

Do 24 de novembro ao 23 de decembro de 2008.

PROPOSTA DE CANDIDATOS

O taboleiro de anuncios no que se publicará a resolución definitiva será o da Reitoría, sen prexuízo da súa publicación complementaria na páxina web <http://www.usc.es/ore>.

Contra a presente resolución, que esgota a vía administrativa, poderá interperse recurso contencioso-administrativo perante o xulgado do contencioso-administrativo de Santiago de Compostela/Lugo no prazo de dous meses a contar dende o día seguinte á súa recepción, de conformidade cos artigos 46 e 8.2.a) da Lei da Xurisdición Contencioso Administrativa, aprobada por Lei 29/1998, do 13 de xullo.

Non obstante, os/as interesados/interesadas poderán interpor recurso potestativo de reposición no prazo dun mes perante o órgano que o ditou. Neste caso non se poderá interpor o recurso contencioso-administrativo anteriormente indicado en tanto non recaia resolución expresa ou presunta do recurso administrativo de reposición, ao abeiro dos artigos 116 e ss. da Lei 30/1992, do 26 de novembro, de Réxime Xurídico das Administracións Públicas e do Procedemento Administrativo Común, modificada pola Lei 4/1999, do 13 de xaneiro.



Santiago de Compostela, 24 de novembro de 2008

O REITOR

Por delegación de competencias resolución reitoral de 31 de xullo de 2007

DOG, Nº 182, do 19 de setembro de 2007

O vicerreitor de Relacións Insitucionais

Lourenzo Fernández Prieto